



UNIVERSITÄTS-
BIBLIOTHEK
PADERBORN

**ECCLESIASTICAE || DISCIPLINÆ || LIBRI SEX: || DE
CANONICA ET MO- || nastica Disciplina collapsa
restau- || randa, pristinoque nitori || restituenda. ||**

Schulting, Cornelius

Coloniae Agrippinae, 1599

VD16 ZV 14233

2. De Definitione Disciplinæ ex B. Cypriano.

[urn:nbn:de:hbz:466:1-63372](https://nbn-resolving.org/urn:nbn:de:hbz:466:1-63372)

quasi nota quædam veræ Catholicæ Religionis, utpote sine qua diu Catholica Religio nec florere, nec omninò subsistere possit. Moribus enim bonis sublatis corrui necessariò ipsa fides. Excitare etiam volui Ecclesiæ Prælatos, ad inducendam & reuocandam in vsum quasi collapsam Disciplinam Ecclesiasticam. Mouit me quoque Calvinistarum exemplum, qui in suis libris de Disciplina & Confessorio ac Visitationibus Ecclesiarum, hoc argumentum suo tamen more attigerunt, ut meritò pudere nos debeat, si nos in tam præclara utili ac necessaria materia aduersarijs nostris inferiores negligentioresque deprehendamus, cum summa totius Ecclesiæ in Disciplina quasi cardine quòdam voluatur ac vertatur. Affirmare verè id possum, si in Ecclesia Patrum & nostra memoria Disciplina Ecclesiastica strictè ac rigidè obseruata fuisset, neque tot hæreses in Ecclesiam irruissent, neque tot tantisque persequutionibus vndique ea pressa & fatigata fuisset. Commouit me quoque exemplum S. Irenæi Lugdunensis Episcopi, quem B. Hieronymus de Disciplina Ecclesiastica isto florenti seculo scripsisse commemorat: in Catalogo de Viris Illustribus, & Reuerendissimi Ioannis Bonhomij Episc. Vercel. Nunciique Apostolici me impulit auctoritas, qui omnem calamitatem Ecclesiæ Colon. neglectioni Disciplinae ferebat acceptam.

CAPVT III.

De definitione Disciplinae.

B Cyprianus pulcherrimè sic eam definit. Disciplina est ordinata morum correctio secundum canones Ecclesiasticos. Canones autem Ecclesiastici cor-

*Lib. 6.
Langercius
de Vita &
honestate cle
ricorum.
Sic Ioannes
à Lasco &
Saadels de
Disciplina
scripserunt:
Martinus Bu
cerus in libr.
de Regno
Christi & al
lij plures.
Regino M.
S. de Discipl.
Ecclesiastica
mihi visus
in Monaste
rio Breuyvi
lensi.*

ci corrigunt non modo clericorum, sed etiam laicorum vitam atque mores. Quare non ineptè in Disciplinam plebis & cleri eam diuiseris. Ordinata dicitur, quoniã absq; ea in Ecclesia non ordo ullus, sed mera reperitur cõfusio ac perturbatio.

CAPVT III.

Quam multa postulentur ab eo, qui de Disciplina scripturus est.

IN primis in Ethicis & Politicis Philosophorum scriptis, apprime versatũ esse oportet, cum morum correctio sit, non aliunde, quam ex mortalibus auctoribus & scriptis commodius hauriri poterit. Noui quoque & Veteris testamenti diligens lectio necessaria est, cum præcipuè Paulinæ epistolæ & Propheticæ conciones tam clericorum quam laicorum mores informant, & Salomon in libro Prouerbiorum, Sapientiæ & Ecclesiastico in castigandis hominum vitijs & virtutibus docendis diligenter versetur. Nec minus utilis ac necessaria est Sanctorum Veterum Patrum lectio, vnde intelligemus, quomodo singulis seculis iam inde ab Apostolorum temporibus Disciplina vigente viguerit Ecclesia; ea verò deficiente, religio atque Ecclesia coeperit collabi, id apparebit si singulorum Patrum veterum ætates & secula ordine postea percurramus. Omnium aut maximè desideratur cognitio & lectio Corporis Canonum & Disciplina, quod in Decretis Isidori Iuuenis, Burchardi, Gratiani & aliorum Rapsodijs continetur. Cùm enim Caluini stæ in suis Synhodijs, Corpus Disciplina à se compositum promittant, quanto verius & rectius nos insistentes maiorum vestigijs Corpus Canonũ ve-